


Ljetna škola na Univerzitetu u Voronježu

Studenti Ekonomskog fakulteta u Brčkom su zajedno sa profesorima 16.06. krenuli na put u Rusiju. Cilj odlaska u Rusiju je da studenti, pored toga što će naučiti nešto novo, upoznaju se sa drugom kulturom ali i sistemom poslovanja i organizacije u ekonomskom svijetu, zatim uticajem i značajem ekonomije u drugim oblastima kao što je agronomija i mnoge druge oblasti na državnom univerzitetu u Ruskom gradu Voronježu (VSAU - Voronezh State Agricultural University).

Prvi dan studentima je upriličena dobrodošlica, koja je pratila predstavljanje fakulteta VSAU i njihovih programa. Dobrodošlicu nam je poželio Vice – Rektor Y. Nekrasov i dekani mnogih fakulteta.



Posle dobrodošlice studentima je predstavljena kultura jezika i življena naroda u Rusiji. Profesor istorije u Istorijskom Muzeju VSAU i naučnoj laboratoriji nam je ispričao sve o temeljima i počecima rada ove akademske institucije.



Još jedan zadatak koji smo imali jeste susret sa Dekanom i profesorima Ekonomskim fakultetom VSAU. Iza ovog sastanka se krije i naš cilj a to je sklapanje sporazuma o saradnji sa ovim fakultetom. Pored zahtjeva koji su naveli za sklapanje sporazuma predočili su nam univerzitetski časopis u kojem se objavljuju svi naučni radovi i uputili su poziv našim studentima, ukoliko žele, da mogu objavljivati svoje naučne radove u njihovom časopisu.



Cjelodneвне aktivnosti su završene druženjem sa ruskim studentima tj. studentima na VSAU uz razne igrice i gledanje filma „Na mliječnom putu“ – Emir Kusturica, u ljetnom kinu na otvorenom.

Aida Omerhafizović,
Miodrag Peranović.